

Pagina Rumantscha

Objekttyp: **Group**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **78 (2016)**

Heft 2: **Natur macht Schule**

PDF erstellt am: **15.05.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Nossa spassageda dal mais

In avuost vainsa ramasso lindornas e salvo üna rauna.
 In settember vainsa sortieu nuschpignas tenor grandezza.
 In november vainsa fat interas runas cun aguoglias da larsch.
 In schner vainsa licho chandailas da glatsch.
 In gën vainsa insagio aguoglinas fras-chas da larsch
 ed aunz las vacanzas da sted vainsa vulieu pavler serps,
 nu vains però vis niaunch'üna.

ANNINA NICOLAY, MUSSEDRA

Nus fains mincha mais la listessa. Nus spettains adüna al listess lö, fin cha tuots sun cò, da dir nun es pü bger, tuots saun inua. Adüna al listess lö do que üna pitsch-na surpraisa, chi ho da chefer culla stagiun. Uzuns, frütta secha, nuschs, qualchosa chi do forza per cuorrer fin tal baunchin da la marena. Ils svelts cuorran ouravaunt, oters chattan scarafags, vezzan pomma e fluors e ramassan crappa ed haun bger da quinter. Oramai cha tuots saun, inua cha fains la prosma posa, po minchün e minchüna ir in sieu tempo.

Ir dadourvart, cur cha'd es fraid u dafatta cur cha plouva u naiva, es ün'experienza cha bgers iffaunts nu cugnuoschan. Eir chaminer sün terrain melgualiv u rüdler giò per üna spuonda e zieva river darcho insü, as tgnand vi da l'erva, es per bgers qualchosa incuntschaint. A do iffaunts, chi cugnuoschan il god be da las parevlas e lo è'l suvenz plain prievles. Ir a fer il pisch davous ün bös-ch po esser üna prouva da curaschi.

Illa natüra sun activos tuot ils tschinch sens.

Nus pigliains adüna cun nus püssas marelhas. Naiv e glatsch, föglinas, puschas, bes-chinas ed eir noss mauns, – ingrandieu es tuot auncha pü impreschiunant. D'inviern as vezza nos baunchin mellan da la marena già da dalöntschi, da sted è'l zuppo davous las aguoglias spessas dal

larsch e cur cha'ls larschs sun mellans, es que il pü difficil da'l vzair.

Minchataunt stainsa be saldin per tadler che cha s'oda tuot. Cler, il meglider as oda ils autos, aviuns e tractors, scha's taidla bain, as oda però auncha bger dapü. Da che cha savura e da che cha spüzza nun essans adüna da listess avis.

Schi, quellas aguoglinas da larsch fras-chas sun bunas, però be intaunt cha sun verdinas, pü tard sune tegnitschas e nu gustan pü.

Culla pomma stuvainsa fer atenziun, a do da quella cha pudains manger, otra es da tössi. Tgnair adimaint ils noms da la pomma cha's po manger es bod auncha pü difficil cu tgnair adimaint, cu ch'ella guar-

da our: las giglüdras, ils uzuns, las ampas e las uzuas. La pomma da culaischem es ün pô amara e bgera glieud craja ch'ella saja da tössi, che chi nun es niauncha vaira. A's po dafatta fer süj u sirup landrou u la sechanter per tschicker, cur cha s'es roch.

Nus vains üna curvegna: Cur cha'd es fraid, pigliainsa cun nus la granda termos cun punsch. La bunura nun essans però adüna da listess avis, scha'd es uossa propi fraid avuonda per punsch chod. Minchataunt vainsa uschè fraid ils mauns, cha que fo mel. Alura ils sfruschainsa ferm e scha vains furtüna, ho que avuonda guaunts da reserva chi sun süts. E la prosma vouta mettainsa ils guaunts aint illa buscha, cur cha mangiains la marena e na aint illa naiv.

As muvanter libramaing illa natüra do sgürezza e'ns evra per imprendier dad ella. E d'imprendier do que bger, fich bger. Il listess lö ho mincha mais ün pô ün oter aspet, tuot es in ün process chi nu glivra mê. Bgers iffaunts nu percepeschan que consciaintamaing, l'experienza es però fich importanta e vain arcuneda in lur memoria. Que sun experiencias per la vita – ed imprendier per la vita es nos böt.

